

Xcarta San Pablo Huantü Pulh

Çatzóknih Tesalonicenses

Xlicana pi umá carta tlak pulh tzokcanit nixachuná makapitzín tatzokni huantü tatataksa nac Xasasti Talacaxlán. San Pablo tzokli umá carta acxni xámaj taputlekéy tipuxamacáhu osuchi tipuxamacáhuitu çata låta tilacá-chilh Cristo. Lipaxúhu çaxakatlılacán amaqolh cristianos huantü talipahuán Cristo y tahuilánalh nac Tesalónica cumu xlacán luu akstıtum talipahuanit xtachuhuín.

Masqui xlacán xtalacpuhuán pi luu akstıtum xtalipahuán Dios, juerza akatiyuj xtalay ni luu lihuana xataluloka para xlicana nalacastacuana-náhu nac çalínin acxni naniyáhu. San Pablo çamålulokniy umá tastacyahu huantü xlacán akatiyuj talılamánalh y çalımakalhchuhuiniy xlacata pi luu akstıtum catalipáhualh pi luu chuná nalay acxni namimparay xlimaktiy Cristo. Chiné çahuánih: “Acxni nipara tzinú liçatzıhuilanáhu nahuán, Cristo naquincalakminán”, (5.2).

Xahuachi xlá çalımakalhchuhuiniy pi ya tapaxuhuán catalatámalh y xliankalhıná catakaltahuakánih Dios y catapaxcatcatzínih xlıhuak huantü xlá çamaxquiy nac xlatamácán.

1 Aquit Pablo chu Silvano xahua Timoteo, lipaxúhu cçatzoknimán eé carta xlıhuak huixinín natálán huantü acxtum lakachixcuhuınanátit y huilátit nac xacachiquín Tesalónica, porque acxtum tapeksiniyátit Quintlaticán Dios xahua Quimpuchinacán Jesucristo. Clacasquín pi Dios cacasiculanatlahuán y cacamaxquín huantü tlan latámát.

Pablo paxcatcatzınıy Dios caj xpalacatacán tesalonicenses

²Aquinín çpaxcatcatzınıyáhu Dios caj mimpalacatacán y acxni

ckalhtahuakanıyáhu ankalhıná clımakatzankeyáhu xlacata pi caçamaktakalhni. ³Aquinín ankalhıná çpaxcatcatzınıyáhu Dios caj mimpalacatacán lácu huixinín akstıtum liçucjnitátit xtachuhuín caj xpalacata cumu xlicana lipahuanátit, y lácu xlicana lapaxquiyátit y luu macxtum lalıçucjnitátit, y cumu chunatiyá kalhkalhipátit huantü çamålacnuninıtán Quimpuchinacán Jesucristo antá kalhiyátit litlihueke y limakatıajátit låta túcuya tapatın çalakchinitán. ⁴Natálán, aquinín

stalanca ccatziyáhu pi Dios snun çalakalhamanán y huá mañ çalacsacnítan. ⁵Porque amá quilhtamacú acxni aquinín cçaliakchuhuinanín xtachuhuín Cristo huantü maštay laktáxtut ni caj xmañ huá quintachuhuincán liçañalátit sinoque cumu na ucxílhrit pi xliçana cka-lhiyáhu xliťlihueke Espíritu Santo xahuachí aquinín stalanca xaccatziyáhu pi xliçana huá xtalulóktat Dios, porque hasta mismo huixinín stalanca catziyátit lácu aquinín xaclamanáhu nac milakstipancán, caj xmañ huá xaclacputzamanáhu huantü atzinú huixinín nacamakta-yayán nac mintañajlatcán.

⁶Maşqui xliçana pi lhuhua tapatín caquítaxtunín pero huata huixinín naçhuná tzucútit latapayátit cumu la aquinín clamánáhu y chuná cumu la tilatamañit Quimpuchinacán, y lipaxúhu makamaklhtinántit xtachuhuín Dios chuná cumu la çamaşquimán tapaxuhuán Espíritu Santo. ⁷Y huixinín liťtaxtútit aktum liucxilhtiyán huantü tlan nataucxilha amaşkolh çañajlanín huantü talipahuán Cristo y tahuilá-nalh nac xliçalanca xapulataman Macedonia xahua Acaya. ⁸Pus antá nac milakstipancán minchá xtachuhuín Dios y lacaxtum lakapáscalh ni caj xmañ antá nac Macedonia chu nac Acaya huata na aya huak catzicán canihuá laťa lácu akstítum huixinín lipahunátit Dios; huá xpalacata antaníc çaliçuhuinan-canátit niaj talacasquín para túcu nactihuanáhu mimpalacatacán. ⁹Hasta catihuá talichuhuinan laťa lácu aquinín pulh ccaquílaklachán, laťa lipaxúhu quilamakamaklhti-

náhu nac minçachiquincán y laťa lácu lakmakántit amaşkolh tzincun huantü xlakachixcuhuiyátit laquí nalipahunátit Dios huantü xliçana lama xastacná y huá tzucútit lişcujátit. ¹⁰Naçhuná likalhchuhuinanacán laťa lácu huixinín akstítum kalhkalhipátit acxni namín xli-maktiy Quimpuchinacán Jesús huantü Dios maşlacastacuaníñit nac çalinín porque huá xkahuasa; xliçana pi huá Jesús naquincalak-maştuyán amá quilhtamacú acxni nacamaşatíñicán huantü tamakasitziñit Dios.

**Pablo paştaclacán laťa
liakchuhuinalh xtachuhuín
Dios nac Tesalónica**

2 Natałán, huixinín stalanca catziyátit pi acxni aquinín ccaquílaklachán ni luu caj chunatá cquílacháhu. ²Maşqui xliçana pi xapulh cumu la huixinín catziyátit pi lan xquincaliçalkhamañanítan y lan quincaşitzininítan nac Filipos, Dios quincamaşquín liťlihueke laquí tlan naccaliakchuhuinaníyán xtachuhuín nac milakstipancán, maşqui xliçana pi naçhuná lhuhua huantü cpatíhu. ³Huá chuná clihuán porque stalanca xaccatziy huantü xacliakchuhuinama y ni xaakpuntum huantü xacqui-lhuama, naçhuna liťum niťu tunu xacucxilhlacamaşanáhu acxni xaliçuhuinaşanáhu xtachuhuín Cristo o para túcu xaclakatíla-çamaşanáhu huantü kalhiyátit y na nipara çatatum túcu caj xacakska-huiputún o nacmakacañajlay huantü ni çana. ⁴Huata Dios huantü huak çalakapasniy xnacujcán cristianos

quincalilacsacni pì nacliakchuhui-
nanáhu amá lipaxúhu xtachuhuín
huantü mastay laktáxtut. iPus huá
xpalacata aquinín cliakchuhui-
náhu xtachuhuín! Acxni aquinín
clìchuhuinanáhu nì huá chuná
clìhuanáhu laqui naccamakapaxu-
huayáhu catìhuà cristiano huata
huá Dios cmakapaxuhuamanáhu.
5Chuná cumu lã huixinín stalanca
catziyátit pì nēcxcnicú xactzucún
çalìmalanquiyán lacuán tachu-
huín o para xacúáhu huantü luu
tlã titlahuanítátit, y nãchuná Dios
stalanca lacahuánáhu pì nēcxcnicú
xaclacputzáhu laqui tlã naccamak-
tlajayán mintumincán. 6Nēcxcnicú
clacputzamanáhu xlacata para
tícu naquincalipahunán, nìpara
huixinín y nã nìpara atúnj cris-
tianos. 7Masqui xlicana pì tlã
xacticamatlahuín huantü aquinín
xacticalimapeksín cumu lã xapóstol
Cristo, huata nìchuná ctlahuáhu,
mejor clìtaxtúhu cumu lã lactzu
camán nac milakstipancán, xtã-
chuná clìtaxtúhu cumu lã çatüm
pusçat huantì man çacuentajtla-
huay, çamahuìy y çamakastaca
xcamán porque çalakalhamán.
8Pus nãchuná chú aquinín luu
lìpecua lãta cçapaxquiyán, hasta
para chuná tlã xtiqitáxtulh nì
caj xman huá xacticalimãkalhchu-
huínín xtachuhuín Dios sinoque
hasta nã xactimacamaštáhu quila-
tamãcán caj mimpalacatacán caj
lãta cçalakalhamanán. iKalhtum
cçahuaniyán pì luu cçalakalha-
manán! 9Natalán, huixinín stalanca
catziyátit lãta lãcu aquinín xacmak-
scujmanáhu laqui natasiyutìlhay
huantü naclihuayanáhu; xacscujáhu

çacuhuíní chu catzìsnì laqui nìtì
caj chunatá nacmamaklhuhuiyáhu
acxni naccaliakchuhuinaniyán xtã-
chuhuín Dios.

10Stalanca catziy Dios xãhua
huixinín pì huantü akstìtum cla-
tamanítáhu nac milakstipancán
huantì lipahunátit Cristo laqui nìtì
tù naquincalìhuaniyán. 11Nãchuná
huixinín stalanca catziyátit pì
ankalhínã cçamakpuhuantiya-
nìnítán, y para tícu xlipuhuama
cçamakoxumixinítán xtãchuná
cumu lã çatüm chixcú çamakoxu-
mixiy acxni talìpuhuán xcamanán.
12Aquinín ankaalhínã cçalìmaaka-
tzankenítán xlacata pì huantü
akstìtum calatapátit chuná cumu lã
xlìlatamãcán huantì tatapeksiniy
Dios, porque xlicana pì huá man
çatasaninítán laqui huá lacxtum
natamapeksinanátit nac xacalipa-
xúhu xpumapeksín.

13Huá xpalacata aquinín anka-
lhínã cçaxcatcatziñiyáhu Dios
huantü xlã tlahuanit nac milata-
mãcán, porque acxni huixinín
kaxpátit amá xtachuhuín Dios
huantü aquinín cçaliakchuhui-
nanín lipaxúhu kaxpátit cumu
lã minìniy kaxmãcán xtachuhuín
Dios, y nìchuná lacpuhuántit para
caj xtachuhuincán catìhuà cristiano.
Y xlicana pì huá xtachuhuín Dios
porque stalanca tasiyuy huantü tla-
huay xtascújut nac milatamãcán
huixinín huantì lipahunátit.

14Natalán, acxni huixinín xçalipu-
tzastalamán mintãchiquicán caj
xpalacata cumu lipahunátit Jesús
xlicana pì lan pañínántit, nãchuná
cçakspulán cumu lã cçakspúlalh
amãkolh natalán huantì nã talì-

pahuán Jesús y tahuilánalh nac Judea, porque xlacán na huá xcaputzastalamam tamakolh xtachi-quicán judíos. ¹⁵Pihuatiyalitúm tamakolh judíos huanti tamaknihl Quimpuchinacán Jesús y xamakán quilhtamacú naxhuná xtamakni-nitanchitá xalakmakán profetas huanti Dios xcamacamin nac caquilhtamacú, y lanchú aquinín na quincaputzastalamacán. Xlacán nipara tzinú tamakapaxuhuaná-nalh Dios, y luu lipeçua tasitziníy xlihuak xamakapitzín cristianos. ¹⁶Huá chuná clihuán porque acxní aquinín ccaliakchuhuinaniyáhu xtachuhuin Dios amakolh cristianos huanti ni judíos laqui na natalakmaxtuy xlistacnicán, xlacán quincalactlahuaníyán y ni tamatlantiy naccamakalhchuhuiníyáhu cristianos. Pero caj xman sacstucán xtamaakstokuilimánalh xtalakalhincán porque lanchú aya lakchanit quilhtamacú laa Dios çalakmacamima amá lanca tapatín huantu xlacán caminiñiy natalipatinán.

**Pablo huan pi
çalakapaxialhnamputún
huanti xalac Tesalónica**

¹⁷Natalán, acxní la a ctimincháhu masquí ni luu makas quilhtamacú pero aquinín luu snun xaccapastacmán, y masquí niñay xaccaucxilhan porque mákat xaclamánahu, ankalhiná xaccaucxilhlacamachán xlihuak quinacujcán, pero lanchú luu xliçana ckalhiyáhu tapaxuhuan xlacata naccalakanachán. ¹⁸Laa maklił ctilacpúhua xlacata pi nac-

çalakanachán chu xamakapitzín natalán na xtaamputunachá pero akskahuiní lhuhua huantu nitlán quincamaakspulín laqui chuná naquincamachokoyán y niñay cancháhu. ¹⁹Huá xlacata clihuán, çxanicuma cristianos huanti aquinín luu naccamacamastayáhu nac xlacatín Quimpuchinacán cumu la aktum lilakachixcuhuin huantu aquinín luu clipaxuhuyáhu? iXliçana pi huixinín tamá huanti naclilacachánahu nacmacamastayáhu acxní namín xlimaktiy Quimpuchinacán Jesús! ²⁰Cumu xliçana pi huixinín tamá huanti aquinín luu clipaxuhuyáhu y akxapa cliłamanáhu laa cliçucujmanáhu.

3 Huá xpalacata acxní niaj lay xacpatiy laa xaccatziputún para tlan lapátit aktum ccátzilh pi caj quecstu nactamakxteka nac Atenas ²y ccamalakachaniçán nac mincachiquincán laqui nacalapakaxialhnanan nacmaakpuhuanianíyán nac mintacanajlatcán y laqui lihuana nacamalactituminiyán xlimapeksín Dios tamá quintalacán huanti liçucujma Dios laa quimaktayama nac quintascújut huanicán Timoteo, ³laqui chuná nipara çatum tícu luu lipuhuama nahuán caj xpalacata huantu çaakspulamán nahuán y niñi nalilaclatayay nac xtaçanájlat. Porque cumu la huixinín stalanca catziyátit pi aquinín huanti lipahuanáhu Cristo xafuerza lhuhua huantu napatíyáhu huantu lanchú ucxilhátit pi aya quincakspulamán. ⁴Porque acxní xaclamánacháhu nac mincachiquincán lacatanes

cticałımakalhchuhuıńn pı lıhıhua huantı quılıpatıtcán xuanıt, y xlı-çana pı chuná quıtaxtııt huantı aya xcatziyátıt. ⁵Cumu aquit akatıyuj xaclama porque nı xaccatzıy lácu xlılapátıt mıntaçanjlatcán, huá xpalacata clımacanchá quılacscujni huantı cmałalhasquıńılh lácu xlapátıt chicá para xamaktum akskahuını çamatlahuın talakalhn y amá quıntascujıtcán huantı aquıńn xactlahuanıtáhu caj chunátı laclatámalh.

⁶Pero cumu chú aya taspıtıt Timoteo lata quılachá nac Tesalónica xlá quınçalıtakalhchuhuıńn lata lácu akstıtum lapátıt, lata lıpañuanátıt Quımpuchınacán, xahua lácu lakalhamanınanátıt. Xlá quınçahuanın pı huıxıńn ankalhıná quılápastaclacamı-náhu y snún quılápaxquıyáhu xahuachı luu lacpuñuanátıt pı aya xquılacxılhpıaráhu chuná cumu la aquıńn ccaucxılhpıtuxnımán. ⁷Pus maşquı aquıńn lıhıhua huantı clılıpuñuanáhu uú nac caquılhtamacú pero caj xpalacata ccatzıhu pı huıxıńn chunatıyá akstıtum lıpañuanátıt Quımpuchınacán, lámpara tzınú scayaj cátzalh y jaxlı quınacú. ⁸Cmaklhcatziy pı lámpara tlak ckalhıparay lıtlıhueke cumu huıxıńn chunatıyá akstıtum huılınıtátıt mıntaçanjlatcán. ⁹¿Lácu cahuá chú maktum tuncán nacmaşquıkoşyáhu tapaxcatatzın Dios caj xpalacata mıntaçanjlatcán y cumu aquıńn tlan ckalhıyáhu tapaxuhuan nac xlatatın caj mımpalacatacán? ¹⁰Tantacú tantascaca clımaaka-tzankemañáhu Dios xlatata pı

caquınçamaşquın talacasquın mañ caccacxılhpıarán laquı lıhuana nacalımałalchuhuıńıyán huantı tıcatzankanıyán nalakapasátıt xlatata lıhuana nalıpañuanátıt.

¹¹Aquıńn clacasquınáhu pı huá Dios xahua Quımpuchınacán Jesucristo naquınçamaktayayán laquı tlan nacçalakapaxıalhnán. ¹²Y naçhuná clacasquınáhu pı huá Quımpuchınacán cacamaktayán laquı lıhuaca akstıtum nalapaxquıyátıt, xlıhuak catıhuá cristianos cacapaxquıtıt chuná cumu la aquıńn ccapaxquıyán. ¹³Na clımaakatzankeyáhu pı cacamaxquın lıtlıhueke laquı tlan akstıtum y nıtı mıntalakhıncán nac mıncujcán nalatapayátıt y chuná nıtı nahuán huantı nalımáxananátıt nac xlatatın Quıntlıtıcán Dios amá quılhtamacú acxnı namın xlımaktıy Quımpuchınacán Jesús y pıtum nacatamın xlıhuak xamakapıtızın cristianos huantı na tatapeksıny nahuán. Chuná calalh, amén.

Huantı aya tatamakaxtoknıt akstıtum catalatámalh

4 Natalán, aquıńn aya ccamasıyunıtán lácu nalatapayátıt laquı chuná tlan namakapaxuhayátıt Dios, y xlıçana lançú chuná akstıtum lapátıt. Huá chú tı cçalımaakatzankeyán nac xta-cuhuını Quımpuchınacán Jesús pı hasta açhuná lıhuacay akstıtum calatapátıt.

²Xahuachı aquıt ccatziy pı nı napatzankayátıt huantı nac xta-cuhuını Quımpuchınacán Jesús ctıçalımapeksın. ³Porque Dios lacasquın pı xmañ huá nalıscujátıt

y ankalhíná akstítum nalatapayátit nac xlacatín, por eso ccalihuaníyán pì nìtì caxakátlìlh atúnuy puscat para huí mimpuscacén. ⁴Y huantu akstítum capaxquítit y tlan catałatapátit mimpuscacén nì caj xman cakalhítit cumu la likamán. ⁵Nì caj xman calilacpuhuántit huantu limakapaxuhuayátit mimacnicán chuná cumu la talicatziy huantì nì talakapasa Dios. ⁶Huá xpalacata ccalihuaníyán pì nìpara çatum tícu catzèklakaxakátlìlh o camák-lhtìlh xpuscat çatum chixcú, porque para tícu chuná natlahuay Dios namaxokoniy caj xpalacata umá talakalhín chuná cumu la aya cticalimakahchuhuín. ⁷Porque para Dios quincalacsacnítán nì huá quincalilacsacni laquì chunatiyá natlahuayáhu talakalhín sinoque laquì akstítum nalatamayáhu nac xlacatín. ⁸Pero tancs ccahuaníyán pì para tícuya chixcú nì matlantiy, lakmakán eé limapeksín milicatzitcán pì nì caj çatum chixcú lakmakama sinoque huá Dios man lakmakama porque huá xlá camaxquínítán xEspíritu Santo.

⁹Huá xpalacata lácu nalakalhíniyátit tapaxquín niaj xafuerza naccatzokniyán xlacata lácu nalapaxquiyátit porque man Dios camacatzinínítán laťa lácu akstítum nalapaxquiyátit. ¹⁰Porque xlicana pì chuná huixinín capaxquiyátit xlihuak huantì tahuilánal nac Macedonia huantì talipahuán Quimpuchinacán Jesús, pero ccalimakatzankeyán pì achuná lihuacay cakalhítit tapaxquít.

¹¹Ankalhíná tancs calatapátit y nìtu atunu caliaktiyúntit, akstítum cas-

cújtít nac minalitascujutcán chuná cumu la aquinín ccalimakalhchuhuínítán, ¹²laquì chuná huantì nì talipahuán Dios cacs natalacahuán porque nataucxilha pì lactalipahu huixinín, xahuachí nakalhiyátit huantu namaclacasquinátit y nìtu nacatzankaniyán.

Jesús namín catiyay xlihuak huantì talipahuán

¹³Natalán, aquit nì clacasquín chunatiyá natamakxtekátit masqui nì nacatziyátit túcu caakspulay amakolh nín huantì aya tanínit, laquì nì akatiyuj nalayátit o nalipuhuanátit cumu la caakspulay amakolh cristianos huantì nì takalhhalkhimánalh amá quilhtamacú laťa laclhcahuilínit Dios. ¹⁴Porque xtachuná cumu la aquinín canajlayáhu pì masqui Jesús nìlh pero lacastacuanalh nac calínín, pus nachuná canajlayáhu pì amá quilhtamacú acxnì amaj min xlimaktiy, Dios nà nacamalacastacuaniy xlihuak huantì amakolh cristianos aya titánìlh pero xtalipahuán, laquì xlacán nà natatamín.

¹⁵Huá xpalacata aquinín ccalihuaníyán cumu la xlimapeksín Quimpuchinacán pì xlihuak aquinín huantì lamānahucú xastacná uú nac caquilhtamacú hasta acxnì namín Quimpuchinacán, nìtu amānāhu capulaníyáhu xlihuak amakolh huantì aya tanínit, huata pulh huatunín natalacastacuanán. ¹⁶Porque acxnì nalakchán amá quilhtamacú acxnì namín xlimaktiy Quimpuchinacán natactayachi nac akapún, natakaxmata xtachuhuín çatum xapuxcu ángel laťa namapek-

sinán, entonces acxnitiyá nasanán xtrompeta Dios y xlihuak amakolh huantí xtalipahuán Cristo pero aya taninít nahuán pulh huá natalacastacuanán. ¹⁷ Acalistán chú aquinín huantí lamanáhu nahuán xastacná macxtum naquincatalencanán nac akapún laqui nac caunín napaxtokáhu Quimpuchinacán Jesús, y chuná canexnicahuá quilhtamacú acxtum natálatamayáhu. ¹⁸ Pus ccahuaniyán pi huatiyá umá tachuhuín calalimaakpuhuaníntit.

5 Pero para lacpuhuanátit xaccahuanín túcuya quilhtamacú o nincocxni luu amaj lakchán, pus aquit nílax naccāhuaniyán porque nīpara chātum tícu catziy. ² Porque chuná naquixtuy cumu la aya catziyátit pi acxni nīpara chātum liacatzihuij nahuán acxni xlá namín, xtachuná naquixtuy cumu la acxni min chātum kalhaná catziša. ³ Acxni amá quilhtamacú cristianos chiné natahuán: “Lanchú luu çacacsua max nīnajtū catiánalh”, huata acxnitiyá namín tapatín huantū nacāmalakspūtuy, xtachuná cumu la akspulay chātum puscāt acxni nīax sacstu lama, xamaktum acxni natzucuy catzanajuanán y namalakatuncuhuyi cskata, y nīlay catipáxtokli o natzalamakán xtapatín. ⁴ Pero ccahuaniyán natalán, pi huixinín nītu lapátit nac xalacacapucsua laqui acxni nalakchán amá quilhtamacú acxni namimparay xliimaktiy Quimpuchinacán skalalh huilátit nahuán y nītu nacalakchinán cumu la chātum kalhaná. ⁵ Xlihuak huixinín antiyá tapeksiyátit nac çacuhuiní chu nac txaxkáket Dios, aquinín nī antá

tapeksiyáhu nac xalacacapucsua latámat nā nīpara xalac catzišni. ⁶ Huá xpalacata aquit ccalihuaniyán pi nīax tū tiltatatahuilayáhu cumu la tī nī talakapasa Dios, huata quincamininīyán pi lihuana nalacahuānantahuilayáhu y skalalh natahuilayáhu, nītu akatiyuj layáhu. ⁷ Porque huixinín catziyátit pi xlihuak huantí talhtatay, catzišni talhtatay, y huantí takottlahuán maşqui catzišni takachi. ⁸ Pero xlihuak aquinín huantí tapeksiyáhu nac çacuhuiní quincamininīyán pi chunatiyá lacastalanca nalatamayáhu. Huá tlan nalitamaktakalháhu quintacanjlatcán xahua tapaxquít, y xtachuná cumu la quintaknucán xalícán calimáxtúhu amá takalhkalhín huantū kalhiyáhu pi naquincalakmáxtucanán. ⁹ Porque Dios nīchuná lacasquín para aquinín napatinanáhu caj xpalacata quintalakalhincán, huata xlá lacasquín pi caj xpalacata Quimpuchinacán Jesucristo nakalhiyáhu laktáxtut. ¹⁰ Porque huá Jesucristo nīlh caj quimpalacatacán laqui para xastacná lamanáhu osuchí para acxni naniyáhu quixtuy pi huatiyá acxtum tlamánáhu nahuán. ¹¹ Por eso ccalihuaniyán pi ankalhíná calamauxçanítit y calamaçpuhuaníntit chuná cumu la laliscujpátit.

**Pablo çahuaniy cristianos
lácu xliilatamatcán**

¹² Natalán, aquit ccahuaniyán pi cacacñinanítit xlihuak huantí caliscujmán huantí calimakalhchuhuinimán lácu mililatamatcán nac xlatatín Quimpuchinacán.

¹³Xlacán luu camininiy pì huixinín nacapaxquiyátit y nalipahuanátit caj xpalacata amá tascújut huantu xlacán talakayánalh. Xahuachí acxtum cacacñinanítit catihua cristianos niti casitzinítit.

¹⁴Nachuná ccahuaniyán pì cahuanítit catáscujli tamakolh nataján huanti nì tascujputún, cacamauxcañítit huanti tataxlujuanímánalh, huanti nì laktlihuekén huixinín nacamaxquiyátit litlihueke, xahuachí niti calitlakuántit acxtum cacatapaxuhuátit.

¹⁵Luu cuentaj catlahuátit xlacata pì para tícu la huixinín nacatlahuaniyán huantu nítlán, huixinín nichuná camakaxokótit huata canecxnicahuá huantu tlan tascújut cacatlahuanítit mintacanajlanicán, pero na huak chuná cacatlatapátit catihua cristianos.

¹⁶Xahuachí ankalhiná chapaxu-huana calatapátit, ¹⁷y na ankalhiná cakalhtahuakanítit Dios. ¹⁸Xlihuak huantu xlá camaxquiyán huixinín calipaxcatcatzinítit Dios, porque xlá chuná lacasquín nalatapayátit huanti lipahuanátit Cristo Jesús.

¹⁹Ni calactlahuátit huantu Espíritu Santo tlahuaputún nac milatamatcán. ²⁰Nachuná ccahuaniyán pì nipara chatum cacalakmakántit tamakolh huanti tahuán pì talichuhuínán xtalacapastacni Dios. ²¹Huata camininiyán pì lihuana calacapastáctit para pì xlicana tamá huantu lichuhuínancalh, y huantu

taakataksa pì huá xtalulóktat calacsacxtútit laqui nacalimacuaniyán nac milatamatcán. ²²Pero catzalanítit xlihuak lata túcuya lixcájnítit talakalhín. ²³Aquit cli-maakatzankey Dios huanti mastay lipaxúhu latámat xlacata pì huá cacamakstítumilínín milatamatcán cumu la csiculanán; xahuachí cacamaktakalhnín mintalacapastacnicán, nítu namaxcajuali milistacnicán xahua mimacnicán laqui chunatiyá nítu kalhiy xtalakalhín nahuán hasta acxní namín Quimpuchinacán Jesucristo.

²⁴Porque xlicana pì tamá Dios huanti calacsacnitán huak amaj makantaxtiy nac milatamatcán huantu xlá camalacnüninítán natlahuay.

Pablo cahuaniy tachalí cristianos

²⁵Nataján, nachuná ccalimaaakat-zankeyán pì cakalhtahuakanítit Dios laqui naquincamaktayayán.

²⁶Xlihuak huanti antá tahuilánalh y talipahuán Cristo huantu quilacata caquilamacatiyanicháhu, xlihuak nataján huantu lipaxúhu caquilasnatnicháhu y cacatzucpítit huantu quilacata.

²⁷Nac xtacuhuini Quimpuchinacán aquit ccalimapeksiyán pì cacalikalhtahuakanítit xlihuak huanti talipahuán Jesús umá quincarta.

²⁸Pus huá Quimpuchinacán Jesucristo xlihuak huixinín cacasiculanatlahuán.